

1. **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida**, ul. Širokac 22, Sarajevo, koga zastupa direktor Zijadić Suad, prof. ( u daljem tekstu: **Ugovorni organ**)
2. **Obrtnička djelatnost „ PRIZMA “**, ul. Akifa Šeremeta broj 25., Sarajevo-Novigrad, ID broj: 4301734650000, PDV broj: 301734650000, koga zastupa vlasnik Zuberović Admir (u daljem tekstu: **Dobavljač**)

Zajednički naziv za **Ugovorni organ i Dobavljač** je **UGOVORNE STRANE**.

zaključili su u Sarajevu, dana 22.08.2018.godine

## **U G O V O R** o nabavci i ugradnji klime

### **I PREDMET UGOVORA**

#### **Član 1.**

Predmet ovog Ugovora je nabavka i ugradnja inverter klime za potrebe Spomeničkog kompleksa „Tunel D-B“ a sve po jediničnim cijenama Dobavljača prema Ponudi/Predračunu broj: 71/18 od 14.08.2018.godine, koja je sastavni dio ovoga ugovora.

### **II CIJENA I NAČIN PLAĆANJA**

#### **Član 2.**

Netto vrijednost ugovora iznosi	1.094,02 KM
PDV 17% u iznosu od	185,98 KM

**Ugovorne strane su saglasne da ukupna vrijednost ugovora sa uključenim PDV-om 17 % iznosi**

**1.280,00 KM**

**(slovima:jednahiljadadvijestotineosamdeset i 00/100 KM )**

#### **Član 3.**

Ugovorne strane su saglasne da će Ugovorni organ platiti Dobavljaču vrijednost ugovora nakon isporuke i ugradnje opreme iz člana 1. ovog ugovora, a u roku 15 (petnaest) dana od datuma prijema uredno ovjerene fakture.

### **III ROK**

#### **Član 4.**

Ugovorne strane su saglasne da je rok izvršenja predmeta ugovora 20 /dvadeset/ dana od dana obostranog potpisivanja ugovora.

#### **IV MJESTO IZVRŠENJA UGOVORA**

##### **Član 5.**

Ugovorne strane su saglasne da je mjesto izvršenja ugovora: prostrije Spomeničkog kompleksa „Tunel D-B“.

#### **V GARANTNI ROK**

##### **Član 6.**

Za opremu iz člana 1.ovog Ugovora dostavlja se garantni list.

Montaža osigurana kod Dobavljača.

Garantni rok teče od dana primopredaje.

Dobavljač je obavezan predati Ugovornom organu garantne listove kojim proizvođač garantuje za opremu u toku garantnog roka.

Dobavljač se obavezuje na zahtjev Ugovornog organa otkloniti nedostatke i kvarove koji bi nastali zbog ugrađenog nekvalitetnog materijala ili nestručnog rada u garantnom roku.

Ako Dobavljač ne otkloni nedostatke ili kvarove na opremi u roku od 3 (tri) dana, Ugovorni organ može zahtjevati od Dobavljača da mu umjesto iste preda novu opremu koja je u ispravnom stanju.

Ugovorni organ ima pravo nakon isteka roka iz stava 6. na naknadu štete koju bi pretrpio usljed toga što je bio lišen upotrebe opreme od trenutka traženja opravke ili zamjene do njihovog izvršenja.

##### **Član 7.**

Dobavljač odgovara Ugovornom organu da predmetna oprema ima određeni kvalitet potreban za njenu redovnu upotrebu.

Dobavljač odgovara za moguće mane u momentu isporuke i prijema isporuke opreme, kao i za mane koje bi se eventualno pojavile kasnije, ako su te mane posljedica uzroka koji su postojali prije prijema opreme od strane Ugovornog organa.

Dobavljač odgovara za moguće mane opreme ako mane Ugovornom organu nisu bile poznate ili mu nisu morale biti poznate u trenutku zaključivanja ovog ugovora, kao i za eventualne skrivene mane.

#### **VI OSTALE ODREDBE**

##### **Član 8.**

Ugovorni organ će odmah po prijemu isporuke opreme utvrditi kvalitet iste u mjestu isporuke po pravilima Zakona o obligacionim odnosima, o čemu će sačiniti komisijski zapisnik.

Ukoliko isporučeni predmet ugovora ne odgovara naručenom, u pogledu kvantiteta i asortimana Ugovorni organ isti neće primiti.

##### **Član 9.**

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima.

**Član 10.**

Sve eventualne sporove ugovorne strane će rješavati dogovorno, u suprotnom mjesno i stvarno nadležan je sud u Sarajevu.

**Član 11.**

Ugovorne strane u znak razumijevanja i prihvatanja odredbi ovog ugovora, vlastoručno ga potpisuju.

**Član 12.**

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

**Član 13.**

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

**ZA UGOVORNI ORGAN  
DIREKTOR**

Zij [redacted] *Snad prof.*

Broj:13-14-02-378/18  
Sarajevo, 22.08.2018.godine

**ZA DOBAVLJAČA  
VLASNIK**  
Zuberović Admir

Broj:  
Sarajevo,

Člankarna djelatnost  
"PRIZMA"  
VI. Zuberović Admir  
Sarajevo: ul. Akifa Šeremeta br.25